

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 35 stav (3) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21 i 18/21) i Zaključka o izmjenama Zaključka o usvajanju i Programu utroška sredstava, broj: 02-11-11917/21, od 01.09.2021. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 135. sjednici, održanoj dana 23.12.2021. godine, d o n o s i

ODLUKU

o odobravanju sredstava sa „Transfera za sport“ u 2021. godini

Član 1.

(Predmet)

Odobravaju se sredstva sportistima pojedincima sa područja Zeničko-dobojskog kantona u iznosu od 13.800,00 KM (slovima: trinaest hiljada osam stotina konvertibilnih maraka) u svrhu sufinansiranja aktivnosti, i podrške sportistima reprezentativcima, pri nastupima na svjetskim, evropskim prvenstvima i Olimpijskim igrama, te u svrhu ostvarenih rezultata na istim takmičenjima.

Član 2.

(Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21 i 18/21), razdjel 22, budžetska organizacija 01, potrošačka jedinica 0001-Ministarstvo za obrazovanje, nauku, kulturu i sport, ekonomski kod 614300, subanalitika MAX 002, pozicija “Transfer za sport”.

Član 3.

(Uplata sredstava)

Odobrena sredstva iz člana 1. ove odluke isplatit će se na osnovu Programa utroška sredstava sa „Transfera za sport“ u 2021. godini, na transakcijske račune prema tabelarnom pregledu sačinjenom na osnovu Javnog poziva.

Član 4.

(Izveštavanje)

Korisnici sredstava Budžeta namijenjenih za ovaj transfer dužni su najkasnije tri mjeseca po prijemu sredstava resornom ministarstvu dostaviti izvještaj o namjenskoj upotrebi odobrenih sredstava.

Član 5.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 6.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-17057/21

Datum, 23.12.2021. godine

Zenica

PREMIJER

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“

1x a/a.

Pregled raspodjele sredstava za sport u 2021. godini:

R/ B	SUBJEKT	PREDMET SUFINANSIRANJA	IZNOS SREDSTAVA (KM)
1.	Mesud Pezer	Nastup i rezultat na Olimpijskim igrama i Evropskom dvoranskom prvenstvu (Atletika)	3.500,00
2.	Edin Đino	Zlatna medalja na Evropskom prvenstvu u sjedećoj odbojci (Sjedeća odbojka)	2.400,00
3.	Armin Šehić	Zlatna medalja na evropskom prvenstvu u sjedećoj odbojci (Sjedeća odbojka)	2.400,00
4.	Nadina Mehmedović	Srebrna medalja na Evropskom juniorskom prvenstvu (Taekwondo)	2.000,00
5.	Amel Tuka	Nastup i rezultat na Olimpijskim igrama i Evropskom dvoranskom prvenstvu (Atletika)	3.500,00
UKUPNO			13.800,00 KM